

煙

嶼

樓

詩

集

烟嶼樓詩集卷八

鄞 徐時棟柳泉稿

慈谿葉鴻年吉甫刊

五古五

見周翁雲巖手錄小簿忽憶五歲入塾時事感
而成詠示兄子隆道隆德

兄子阿道來請表外翁礪小簿翁手書持以當行述葉
簿從頭看家事臘一一中言歲戊寅始授大兒室嘉慶
廿三年十月初五日翁自記家常我念少時節憶我入
塾初翁家娶婦吉其時我五歲記年已忘月今見翁所

書月日。乍明。悉事。豈關。重輕。在我。亦瑣屑。結習。未能忘。
賦詩聊記實。

二

周翁吾父友。翁家吾比鄰。翁女我長嫂。廿一始來嬪我。
生既三歲。文葆甫離身。以嫂愛憐我。餽歡依朝昏。有時。
嫂歸省。隨嫂入翁門。翁見我來止。提抱常見珍。及我將。
入塾。父已筮良辰。我方在翁家。嬉笑看新婚。家人忽前。
召號泣行。逡巡好語。翁慰我。嫂爲拭啼痕。勸我勿復爾。
歸著衣裳。新讀書。拜先聖。無使爺怒。嗔後此。十餘載。我。
試能冠軍歸。入母氏室。團坐兒女紛。嫂亦侍母坐。向我。

話前因自昔慣逃學突而遽能文斯言猶在耳倏經三十春行年將五十老大嗟無聞回首憶曩訓不寐意酸辛。

童曰瑣細事寫得如許盡致

劉曰以詩紀事白描化境第二章夾敘夾議尤見摹繪入神又曰撫今追昔無限悲慨

次韻答子相有序

近余以詩簡子相有昨日雲行去爲雨被風催促不能閒之句子相以爲吾諷之也詩來自解噫吾知子相者也子相自解不如吾解之也次韻成篇以答其意

西北有浮雲卷舒常在山豈謂在山好嗟彼行路難風
吹東南行雲出離其關安用上下索此路非漫漫聞昔
曹子桓雜曲新鼓彈謂雲不遇時適會飄風率輾轉爲
雲惜久畱胡得焉畱滯豈雲意遊戲天壤閒乘風吹我
去因風飄我還無心亦有心出入良自閒

原作

陳勣

四明山上雲昔時嘗出山豈無霖雨志待族良亦難
雲歸不復出出不離故關風忽吹雲去使作游汗漫
怡雲有隱者矢口相譏彈爲惜雲去後常受風掣牽
那知雲自在踪跡無滯焉君看二十里過雲在其閒

雲南與雲北朝往夕已還雲去本無心雲來常自閒
有感時事仍次前韻示子相

人生非麋鹿焉能長在山招招呼將伯聞彼求助難何
爲五柳生避地行閉關豈無匠石手鼻端斲聖漫但恐
千仞雀隋珠發虛彈時不可逸豫往役被羈牽苦辛集
尤怨問君奚補焉所以忍不顧優游詩書閒嗟嗟敝賦
盡弓玉何時還抱膝看雲者身閒心未閒

咸豐十年九月團練大臣以札見召賦詩言志
情見乎辭

以帶授卿且以薦亨麋鹿旣快施者心亦果受者腹腐

鼠投鵲雛鄭重意相屬鵲雛謂鵲言無爲溷吾目萬物
無棄材將以求所欲試置周人懷足當鄭人璞

童曰固有以求之不得爲恨者人心
不同各如其面讀末二句可發一笑

二

維南有喬木好鳥嚶其鳴居高欣有託乃聞求友聲全
樹一枝借擇木知汝能風來或吹汝慮汝寒不勝予羽
方譙譙回首驚弓鵲卑棲斂歸翮戢影希鴻冥寄言謝
茲鳥曉音姑試聽予尙戀幽谷汝鳴空嚶嚶

三

利濟亦吾分矧關桑梓情兄弟獨裹足豈竊高尙名浮

雲箴良友前言明且清。但知爲蜨。鼃自爲母。乃輕菱菱。
論束帛。懼我懷不平。鈞之不可召。安問弓與旌。
其誤也使來請易
照會余笑謝之
既投札
後而覺

四

招之不肯往。欲往不待招。君看請見者。安用車翹翹。
肉食謀不遠。酒徒情亦豪。苟可采葑菲。奚必鄙芻蕘。
我姑匿吾拙。非敢避塵囂。悠悠此何人。謂我士也驕。

鳥曰終和且
平風人之遺

無題

下車上封事。以力兩相度。謂我當輪將。代爾解囊橐。吁

嗟十年來敝賦常悉索不見富人哿誰云此閒樂與爾
非秦越咫尺望城郭何故庇鄉井鄰國以爲壑一言生
厲階頑鐵鑄大錯爾非僅褊心我豈不知作

二

衣錦持鄉節古有先行之戡山爾前輩數典胡不知海
邦縱疲敝民力猶可支豈無守土吏而以畀爾爲謂爾
所生長固當知地宜非謂爾耄老姑快爾恩私嗟嗟天
下事滿目皆瘡痍茲土幸保聚責當誰維持

三

舉世皆閉戶生材亦無用無爲纓其冠往救鄉鄰閔可

憐好事心非狂而實贗事。事官威儀昔昔國君夢刻印。
復銷印出入紛興從驕誚。俄頃開秋江遠迎送舍舊新。
是謀已徧興人誦彼哉昏不知箕斂猶獨恐牽牛蹊人。
田至速田夫訟而遽奪之牛此罰亦已重。

四

批答擅威福意態一何豪。豈忘禮與分寵命新崇朝夏。
蟲附炎熱仰視山高高倚勢相怒罵。長官如弁髦長官。
赫然怒高山則已遙倉皇賄官牒盡室作逋逃。逋逃不。
知處悍吏猶叫囂借問何爲爾日出冰山銷。

董曰入詩高識巨眼能使聞者變色。又曰前四首
含意未申婉而多諷後四首則時事既急不覺感慨

悲憤大聲疾呼所謂言者無罪聞者足戒也變風變雅當分別觀之

示壽兒

昔我童升時父師早期許先師朱紫陽

竹林先生諱應詔

指我

謂乃祖此子具異材不與凡兒伍成則爲蛟龍不成將畫虎乃祖答師言吾豈事嫗煦教子不能嚴良材亦枯竄所由待兒曹辭色未輕與有時違教言答撻以百數祖母性仁慈恐兒觸翁怒每聞夏楚聲房中淚如雨然而旣見之杖痕未摩撫故我至於今不敢辱門戶及我教汝者乃惟恩是主於汝不求多非我忘訓語以汝性惇良而質復愚魯但求無失德奚必責科舉今汝旣抱

子當學爲人父兒生頗類我望其繩祖武我固心愛憐
豈宜不勞苦慮汝或未知汝來吾語汝大凡聰穎人其
氣必飛舞稍縱志卽驕繩削意斯沮聖賢有成轍高曾
有規矩事事嚴約束乃肯就班部異材喜可憂長大勢
難禦不幸爲敗類不如不材愈愛之在義方教之在童
豎惟嚴斯有成與汝同記取

劉曰現身說法語語懇摯大凡以下暢發教子
貴嚴之義開闢變化讀之但覺真氣流溢行閒

同治元年四月七日出建隲買舟至里仁堂信
宿兄壻張惠哲家初九夜復由西南河渡銅盆
浦明日過江入縣南豐樂鄉抵周家村主故人

周志柳懋才

紹文

卽事有作示志柳

山中日兵燹行矣勿逡巡破甑那足顧相將逃其身兄
弟與甥舅輾轉及外姻幾家百餘口入門驚四鄰主人
雖倉卒咄嗟辦饗煖房從知我至雞黍畱嘉賓里仁豈
不美暫得因所親道路忽皇遽譌言復紛紜嗟我方免
脫來此良苦辛亟當舍茲去數舟繫河濱感感四瞻望
何處非兵塵西笑已不樂東南姑問津

二

我舟將入江村人來告我此去大河中歷經賊營左渠
魁旣偃息夜必巡么麼往往星月中羣醜逐飛舸不行

無所畱行乎。憂賈禍解纜。且前行。舟人膽先墮。遠見村舍。旁映水出。燈火欲問。無來舟進。退不知可低頭爲戒。語嘿嘿。但堅坐。婦恐兒亦驚。誰敢復聲咳。

童曰。痛定思痛。此時眞覺草木皆兵。

三

驚魂少安定。險哉。吾此行。過江二十里。廬舍何縱橫。停橈乍登岸。忽聞絃歌聲。稚子嬉村巷。老婦饁農耕。豈不遭喪亂。眼未見戈兵。但隔一江水。頓覺游昇平。

童曰。此景本無足異。於乍脫危難後見之。彌形其安樂耳。

四

周君吾故交。別餘五六載。薄暮始相見。謂我容顏改。往
歲亂初生。浮家一舟買。時當十月初。山中弟兄在。憂患
聊學詩。以意作新解。飲酒而著書。心神頗瀟灑。在建隩著山中
學詩記。今年春半時。惡浪生苦海。避地兼避人。奔波夜
九卷。中殆四賊欲羅致余兄弟。幾將物色及之。余與弟舟以二月望後。星夜奔它山。何況春夏
交。十日九驚駭。竄匿深山陬。足屨手持枴。寓它山朱氏將一月而賊
大至。復與子舟。星夜還隩中。及章村師。君住安樂窩焉。
潰遂徧行。殺掠深山窮谷。無安宇矣。知世途駭。吾曹患難餘。那得舊風彩。

童曰通
首一綫

五

長言未及半我歎君欷歔邀我及兩第

四弟子門

籠燈

入君廬命兒挹家釀呼童摘園蔬江鱗旣入饌海錯復
盈盂西南百市列月來皆已墟茲鄉信豐樂佳名焉可
誣顧我彈長鋏旅食宜無魚何意樂今夕來擾君子廚
明朝爲相宅買鄰旁君居借枝欣有託使我心展舒

郭曰故人有孫宰高義
薄層雲今昔同此情況

六

家人潔賃室我姑宿君祠

時志柳方授徒祠堂中
寓廬卽在周祠之左

挑燈

不成寐永夜多憂思頗聞道路言捕鹿將有期不惟晉
人角諸戎來擒之禦上或狐鼠亢下其熊羆非族心必

異但恐猶我欺而君聞有命告我無可疑息壤信在彼
樂土何處非

責李生有序

咸豐辛酉冬粵賊據明越明年春餘姚人吳方臨起
義兵於大蘭山方臨素驍勇其軍亦強力善戰遠近
賴之既而鄞人陳某以策千方臨方臨謝曰吾大蘭
無藉君君盍爲局鄞章村號召山眾我分大蘭兵助
君進攻退守以爲犄角蔑不濟矣陳歸謀諸村中立
局文昌閣於是鄞諸生辟地山鄉者稍稍附之顧皆
書生不知兵會李生至自洞橋眾推爲謀主無何方

臨戰死其妻將其軍遣三十餘人援章村夏四月朔

賊自後山掩入而援兵適至力戰大破之斬賊數百

級殺騎馬者三人賊首必騎馬餘賊紛竄去及至局告捷

局中無貲不得賞使分食於村人村人供齋飯大蘭

兵恚曰我辛苦爲汝曹殺賊保性命家室而乃以鹹

菜食我村人笑曰吾儕日日食野粟爲公等辛苦來

殺賊百計俱米飯耳柰何責大烹大蘭兵益怒明日

相率歸急使人追之且召樂人鼓吹往迎之乃止當

是時余家與周茹香同避地建隩隩與章村鄰而陳

朱嶺聞之是日昏暮李生來隩中遇茹香及余第石

門同至余寓室相見賀昨日之勝李盛稱大蘭兵勇敢無不一當百俄頃囁嚅言曰恐不能久畱驚詰之以其略告李去吾三人私語曰若是殆矣此中人私鬪悍而義戰怯大蘭兵去賊至皆逃耳因授意二人使籠燈向隩中相識者稱貨得千金此時李已宿隩中二人卽卧榻呼之起而告之李亦無喜色勸其連夜入章村貨給而畱撫之則曰吾詰朝行未晚也質明往呼之起猶盥而小食遲遲乃行及李生踰嶺至章村而大蘭兵去矣忽樵者自山上見賊紛紛入奔告諸局始驚恐以十餘人往追大蘭兵及之乞少畱

不可遮道長跪泣以請亦不可約今日一戰奉千金
終不可竟去是日賊由西南入章村而分其軍自西
入林村時大蘭兵之援林村者亦數十人賊至與戰
克之賊遁追之盡棄其器械亡命入城中林村人大
喜馳告諸村落將聚衆大舉而數十人者聞章村援
兵歸大蘭章村已灰燼亦相呼而去於是賊恣意焚
掠以漸深入無或敢禦之抵大蘭大蘭兵無資用亦
潰七八日中由明州西南諸鄉村至深山窮谷入越
州境幾二百里無不慘遭兵燹者雖劫數使然然而
章村之局實爲始禍書生談兵豈易事哉嗚呼書生

談兵豈易事哉

勇士氣必驕貴在拊循之我欲用其力先當知其私奮身事戰鬪問彼來胡爲豈真激義氣授命於見危計日給賞用其意亦可窺何況方殷賊辛苦軍中歸虛譽無激勵實惠無解推饗士以齋飯村人聽指揮士氣一朝散既亡焉可追山中百餘里俄頃成劫灰嗟爾同事者如狂或如癡春秋有責備此禍貽者誰

二

昔爾入山日強我賦同仇爾時未當局虛心相咨諏風波險難測與爾同一舟我縱不事事焉忍視沈浮何爲

入帷幄咫尺成阻修。先民詢芻蕘。非我多遠。猶中流將失楫。忽來卽我謀。一壺千萬金。聽我復悠悠。吾言不幸中。桑榆無可收。書生誤家國。於人更何尤。

三

吾友有心人。借箸願籌策。

謂茹香茹香屢至其局中

苟能罄其私固

將爲之畫。何不察邇言。迢迢呼將伯。鞭長不及腹。將飛折其翮。昨暮隕中來。面目旣鰲黑。匆匆去高卧。爾已喪魂魄。密室叩夜半。乃知爾肝膈。大聲交相呼。兩耳如豆塞。抱火宿積薪。伏枕猶反側。一旦竟燎原。撲滅胡可得。殃及池中魚。吾曹與窮迫。林回負赤子。空棄千金璧。我

亦慚郗鑒難哺邁兒食初六日賊掠陳中茹香少子吉祥及余兒子隆章竝匿山中被擄
去明朝往窮追妖氛滿山澤被擄時已昏暮次日遣人往追謀以金贖之而賊兵互數十里無可蹤跡者
可憐骨肉恩思之心愴惻

四

爾既握軍政豈有權可分前師已撓敗而爾猶不聞三
廿九日局中發勇劫賊營爲賊所敗後余問
李生則曰吾是日方外出募捐不知誰遣之事機貴慎
密老生常云云開謀帳中宿而與爲同羣先是謗言余使某生由建隲入章村探之并視軍實余知其情屬茹香至局告之而局中視某生爲吾黨之士畱宿一夕而去尋常意所料爾猶茫無津兵家語奇奧苦讀空辛勤
李生入局時袖孫吳誰與相逼迫貿然呈其身空空何
黃石諸兵書以往

所恃囂然張吾軍轉瞬十餘日

王師清妖氛

四月十二日

此日足可惜哀哉無辜民

童曰賁至誰與四語生復何說之辭

大蘭兵

寇攘窮深山人心久嗟怒義兵自遠來驚喜相告語漿
食候柴門舍穡爲之助奮臂三家村裏頭一尺布荷鋤
揭長竿颺起以雲附耕樵豈能軍有恃則無懼而昨克
章村今忽舍之去日方戰林村夜復棄不顧此時山村
中無寇亦驚怖但聞咆哮聲奔逃不知處遂令遍西南
環山遭劫數萬舍皆燼灰慘殺及嬰孺嗟嗟大蘭眾一

誤而再誤不來禍無因既來去何遽失德在乾餼有士不能馭固知將非人而亦太驕倨

童曰末二句

平允之論

二

當其去章村賊方自山入村人聞寇來往追已相及遮道要畱之哀鳴爲之泣誰知鐵石心還歸行更急而賊既麇至擁旗上山立久久不敢下懼爲白兵襲

大蘭兵皆戴白

布帽衣白衣故號白兵

及知虛無人虎奔而狼集茲村既焦土無

處不兵劫

賊之焚掠山村自是日始

是日西山中鏖戰方告捷亡命

奔入城么麇氣驚懾浸假茲有人狹巷短兵接一鼓下

西南犬羊盡維繫。豪釐而千里所爭在。呼吸坐看失事機。言之可於邑。

劉曰此二章直紀

時事體近次山

烏曰責李生四章寫登儒悞事大關兵二章寫驕兵失機痛定思痛至今猶有餘恨作者撾鼓未終讀者唾壺欲

碎矣

郭曰此卷自見周翁小簿二章及示兒一章外餘二十二章皆四明後辛壬詩史也始則曲突徙薪之詞繼則焦頭爛額之語夫子經濟過人而以事權不屬徒抱憾憤讀之聲淚俱下矣

烟嶼樓詩集卷八

男隆壽平甫校字

烟嶼樓詩集卷九

鄧 徐時棟同叔稿

慈谿葉鴻年吉甫刊

五古六

吾孫

吾孫年四歲纔識百餘字向我語喃喃解說字中義賜之以卮酒旣多亦如醉自言屬對能未工差有致念昔我先人望兒各成器讀書期有用不徒博科第我少稱神童謂當作騏驥驚駘老伏櫪慚恐負先志今我視童孫資稟頗聰異來歲送入塾罔使鳩車戲以我今望孫

始識往時意。遙知地下心。期念更周至。

董覺軒

沛

母邱孺人輓詩三十六韻

妣氏古聖女。後世美難媿。詩人託歌詠。乃以不妒忌。是知恆性然。惠下幾人逮。何況親啟之。而與肩相比。猗嗟邱夫人。高唐董公配。

名帖字綬之高唐其所居鄞東里名也

孝敬亦慈祥

婦德愈云備。從容問夫子。聞君有伉儷。旣笄得奇疾。來請罷前議。絕昏符禮文。矧非君所棄。獨憐向隅者。老死更無地。昔我受聘時。豈以此爲利。念我不歸君。此女終廢置。今我旣來嬪。爲君成此義。轉側聞需人。我不辭勞勩。病女入門來。相見都下淚。困苦十年中。和愛如姊妹。

猗嗟邱夫人。往古亦無對。所由生異材。豔博吾亦畏。我

少識董公竝。几就縣試

道光戊子余年十五始應縣試程朗岑師於二十人中獨召二

人試於

邇復交文郎。擎古得同志。昔歲延校書

覺軒嘗來草堂

爲余校新刻宋元四明六志

童孫今問字。省親既安樂。歡笑草堂至

八月旁死魄。聞疾歸省視。豈知一月餘。隔江來信使。書

言重九前。阿母忽長逝。泣血方號咷。又墮悼亡涕。吁嗟

大木拔旁植。與顛斃始知。婆福中小大。叨蔭庇。我答文

郎言。節哀姑視事。母儀絕世無。卓行宜敘次。古有先行

之歐。表柳耐誌。曾屬不佞文。遷延未遑記。蓋棺論則定

讓德非容易。不腆飢餓詞。將傳聖善意。一束投生芻。先

以挽歌寄素車白馬人遠來有徐穉

童曰前段述孺人語語固婉約有禮筆亦圓轉自如又曰轉側需人不辭勞勩有此一節賢德倍著又曰末處點滴歸源又曰孺人此事於古來列女傳別樹一幟故既爲鋪張形容而又長言永歎之非尋常挽歌例也

挽吳春臺

烺

自我識大山屢與小山接端默而藹如使人消躁急兄弟承先志家塾義田立我爲過江東規矩手排緝待我信忠敬別施長史榻君或來伴我無問有微答靜爲壽者相期頤應古法斯人忽遐逝行年僅登卅遙知北風寒脊令哀原隰濡墨賦挽歌我亦心悵悵

烏曰無問有微答其人宛肖 又曰雖尋常酬應之作然春臺能與乃兄寅谷同爲義莊亦欲存其人耳
憶錄舊藁漫成 有序

所著詩文兩遭焚如結習未忘時復憶錄朋好勸阻各持一說賦此爲答且以解嘲

大才必遭忌鬼神驚相看投溷付水火往哲良有然顧我何人斯所著亦茈茈而煩瞰其室扼之俾勿傳或者吾所作未可付雕鐫祝回陰相我欲我重鑽研顧念古今來惡札盈世閒而獨我乎厚玉我以成全是知二者說在理皆頗偏今我儀圖之譬之以求仙丹汞待成就羣魔來糾纏心力苟專壹何患不永年毀譽姑勿計努

力思勉旃挑燈夜不寐撚鬚憶前篇如彼貧窶子故物
尤愛憐暴富未可期且還吾青氈

郭曰吾師詩文等身存者不過十之二三惜哉然卽
所憶錄已自光芒萬丈況閉戶著書日以寸計雖十
倍舊觀
不難耳

周茹香蔡每入草堂輒有詩意戲作數詩招之

使來

齷齪舉子文常常厭煩聒笑彼兔園書種種都可抹君
亦道中人而意獨超脫入我草堂來詩情興也勃見獵
輒心喜下筆求髣髴未易幾古人於今已突兀如彼原
上草春來生意發何不長養之根株忍輕拔我每語友

生過耳飄風忽此事信難言想君有仙骨

二

生榮歿則已富貴如雲烟垂老始悔悟心力焉能專我

則早爲計日夜親丹鉛少小有詩癖於今三十年自昔

頗豪縱邇來若連遭石屋燒不盡

同治元年八月

草堂復炎炎

二年十所餘惟四壁故物無青氈使我舊著書苦憶不

一月而我性崛彊燼餘理殘編局促蝸居中哦聲驚酣

能完而我性崛彊燼餘理殘編局促蝸居中哦聲驚酣

眠我友有陳君

謂子相

勸我當舍旃造物忌君才祝融來

連連我笑答陳君萬事皆偶然一切任生滅彼蒼安有

權我之才不才姑勿問青天生才苟忌才大造何時閒

爲君述問答非我言談詩豈能窮人莫聽陳君言

三

倉頡方造字聲詩已萌始不廢江河流詩人日興起作
詩難療飢好之胡不已豈非謳吟中性情胥在是剽竊
與塗澤俗尙吾所鄙詩教無繁言溫柔敦厚耳淋漓抒
懷抱自誦良自喜久久情更洽浮名眞敝屣嗟君擁皋
比咿唔終暮齒何如來草堂作我詩弟子

童曰是於此道中得真趣者
彼剽竊塗澤家烏能知之

贈陳櫨壽

家珩

丈夫重意氣結交輕黃金婚友無厚薄分誼有淺深與

君始知識氣味如苔岑肺腑出相示自昔遂到今君來
有商度事事爲酌斟吾謀縱不善未嘗或聾暗今我煩
君畫兩月無佳音於君謂不薄何爲聽浮沈固知手拮
据一時難勝任而苟易爲力安用勞君心

二

我豈貪鄙奴與人爭瑣瑣向我求利益我豈富人寄況
我十年來惠之亦云頗忘德思小怨遲遲以誤我不平
則將鳴焉能任顛簸同舟爲敵國此計毋乃左異時有
煩言責當以君坐叶袖手觀成敗君實貽此禍煩君爲
寄語念我旣勞瘁但使得其平於我無不可

童曰運筆
如轉輪

狸奴

夜深誰伴我房中眠。狸奴但聞杯盤聲。倏起繞我隅。嗷嗷牽我衣。乞我分所餘。臨食懷主恩。齧骨鳴烏烏。童來徹七箸。去我安用驅。以舌舐其足。自洗顏面汙。

童曰狀
物極工

二

狸奴始來止。羣鼠匿無迹。誰知數夜來。旣飽眠永夕。狸奴眠房中。羣鼠出牆壁。或寢或奔走。相見不相識。家人爲我言。不當與之食。飢則爲人用。飽則自安息。一笑答。

家人豈宜使飢瘠結以豢養恩庶幾盡其力

童曰待物如此待人可知

三

每飯與之食既飽眠如初有時靳不與盡力翻庖廚飢固不堪擾飽亦安所需但見竊魚肉不見捕鼯鼯始知禽獸心本自與人殊結恩徒復爾賦詩三歎吁

讓坐篇

有序

客以讓坐落人兩齒小說或紀其事今復見之戲作斯篇得十六韻

高堂良宴會速客急星火齊集立庭除纓弁繁且夥上

坐主擇之指謂一客可客乃善謙讓固辭勿先我主人
力挽臂脫手如脫鎖不圖用力猛曲肘擊旁左旁有揭
脅客遇肘齒雙墮流血滿襟袪此客胡困垓當其出門
時食指知動麼齟然痛不止大嚼料應叵未沾易牙味
先遭鑿齒禍翻令滿堂客莞爾笑之嗟禮讓豈不美秩
秩初筵頗俄自求口實噬嗑觀頤朵旣醉舍坐遷向者
眞瑣瑣爲我語老饕讓食毋讓坐

烏曰謀篇勁而適造句
硬而緻押韻險而穩

從姊一首示四六兩弟及諸姪

季父生從姊嫁爲陸家婦關茸其夫壻無賴其君舅欺

我姊柔儒喉使少年誘姊也大號哭誓死肯蒙垢威力

迫脅之幾與印姑偶

明屠印姑嫁陸氏其夫使少年逼之不從而死事見屠隆所爲傳及

鄞志

吾父驚聞知命使迎來陡是時吾弟兄甫自能行

走兒女諸孫行一一煩吾母顧復而教誨縫紉及井臼

姊來分母勞母亦待之厚久之君舅死姊歸執箕帚

夫疾病多貧賤自相守垂老更可憐膝下空所有而彼

夫婦年六十餘八九坐愁破屋中無以餬其口自我居

城西遇姊始詳扣聞之心感傷時時饋升斗有無未能

常將爲謀長久吾父惠宗廢義田百餘畝我欲分粟米

食姊兼食叟恤宗幸有餘推愛至婚友雖非向時規先

人意無負。弟女號飢寒。九原應疾首。風燭能幾時。俾得終尸牖。豈惟哀窮羣。節義良不苟。同此手足情。吾言豈其否。

陳曰。通人之論。張子西銘所謂存順殁安。卽此一事。諸可類推。要惟善於體會者。斯能得之。

烏曰。讀至後幅。使孝友之心。油然而生。詩教之感人如此。

邱小嶼 大霖 生四子。其一亡去。近又喪其兩兒。

自悲老境賦詩過哀。爲作此以解之。

伯兄取於周。與君爲僚壻。吾年才四五。已過周家戲。少小常見君。旣壯見非易。今來課兄孫。與我重把臂。先後五十年。態度曾不異。老境惜頽唐。向天時。佗僚無聊乃。

賦詩將作解憂計。解憂憂愈來。賦詩亦安濟。我試爲君言。庶幾廣君意。

二

鍾山棲霞僧出話如佯狂。一見敏慧兒。叱咤謂不祥。此兒與此父。深冤未能償。爲劫恩愛賊。來割親肝腸。勸父

勿戀戀於後兒果殤

南唐李後主事見玉壺清話

今君三子者或死

或逃亡焉知非怨家相約登君堂。快彼報復心。使君神俵俵而君墮奸計爲之長。悲傷我作棒頭喝語亦非荒唐何處有恩愛。好夢醒黃梁。

陳曰視慰趙丈之作意境尤爲警闢

三

死者不可生。亡者或來歸。來卽爲我子。去卽非吾兒。旣知非吾兒。念之亦太癡。膝下況有人。往事何庸思。萬事歸定數。聖賢不能違。食子與收子。周史已前知。僧言倘怪誕。史言非吾欺。碩果繫桑榆。珍重栽培之。佳兒一已足。不佳多奚爲。杜詩已人瘡。吾詩解人悲。謂予言不信。試誦憂來時。

董曰安命之言非放情作達也予遭此境三年不能輟哀循環此詩能無婉色耶

生女

丙寅十月朔墮地。倘男子料知吾交遊。頌聲必盈耳。今

豈惟寂寂見我笑不止笑我五十三多事乃生此大造
育眾生雄雌無異視世間父母心女悲男則喜我豈遠
俗情而既有然矣喜歡固云矯悲酸亦可鄙一笑慰姬
人遲速有定理珍重腹子身多男自今始

答覺軒

有序

咸豐初歲余刻宋元四明六志既成聘覺軒爲余校
字時有贈篇未之答和旋遭兵燹遂失來章今覺軒
遠寄舊詩索余新作感良友之雅意錫比百朋歎桑
梓之遺文功虧一簣自悔濡滯縷縷言之

明州之建國肇自唐開元縣歷至北宋迢遞四百年必

當有專志而皆俄空焉於是張子問乾道爲初編

張侍郎津

作乾道四明圖經津字
子問見二老堂詩話

二

乾道非足帙

圖經出四明文獻錄前數卷實節本余作校勘記其中佚文卷輯圖經之佚最多而

終不能備也

寶慶斯完書

胡尚書掣作寶慶四明志

全氏宋槧本不知今

誰儲

謝山得宋刻寶慶志後歸揚州馬氏今又不知流落何所矣

乃以草頭謠并其

書亦汙末學妄滋議先生言非與主修出胡氏作者方

羅俱

謂力校官萬里羅錄參潛語並詳余校勘記中作者卷

錄參不可考校官則

眞儒書中嚴體例郡縣分部居史傳或私論而亦非黨

譽

謝山以草頭古之謠日向書爲彌遠黨人遂并其所修志而亦惡之然此志體例甚佳惟作史忠定傳至

六千餘言似出私意顧忠定忠惻久抑於張浚傳中詳
記與浚辨難之言實為老成持重果用其謀必不至荷
離一敗宋室遂開慶續斯志或復譏貢諛梅太府應發
不可復振也等作開慶四
明續志專記吳丞相潛四明政績及其詩詞後好名固
人如錢竹汀等皆厚非之以為非志乘體例叶
常耳孰為民勞劬但有政三異何惜書滿家責人無
已時與君其嗟吁

三

文清元大儒出入承明廬延祐有繼作其時方家居袁

清桷作延祐助乎呼將伯二考分遂初謂遂初老人王厚

祐四明志遂初應鑑晉王侯元恭之聘

至正遂初筆讓名於鑑作至正四明續志全書皆出
其手而歸名於王侯世遂不知遂初修志事余參前輩
考之始得其詳語在校勘記中作者卷及雜錄卷

真謙德自與後賢殊我尚愛近志古志其舍諸善價覓
祕本巧借羅鈔胥延祐至正二志余假自洪思嚴明經
而久而郡五志竝入吾家廚參之以大德馬州判福京
成州志余借鈔於是為六志書附之以它山朱絳山贈余
朱述之司馬是為六志書附之以它山四明它山水
刊備覽南宋時吾鄉魏吉州峴是為六志餘夏貢周職
所作也余附刻諸六志之後
方紀載賅寰區專志一郡縣宋元始權輿郡苟得一本
珍之如璠璣吾郡多至此文獻天下無

四

魏襄

七閣藏古志纔二十四明已居四二猶未曾入

寶慶開慶大德

延祐四志竝入四庫乾一鄉水利書亦復見收拾水利
道至正則時無進獻之者
備覽亦入地理惜我海濱士未能窺祕笈與記自明來
類河渠之屬
靡國不修輯人物振名賢藝文等家集矯之畧亦蕪武
功與朝邑余嘗極笑明人康韓斯事推宋元輿論至今
翕異書不公世我亦徒什襲是用刊刻之別本假曹鄴
天一閣中竟無一種惟抱經樓有五種然而校書難秋
余與同人往樓中校讐之凡二十餘日
山掃落葉徐子告陳子謂子相晝夜長汲汲君少我十五
時年僅逾廿道路阻一江去我里過卅先民掌故書聞
君久嫻習刊成始知君鞭長莫之及

五

手民不識。丁下刀能改字。聘君讐校之。乃復參論議。所見所傳聞古昔多同異。今我述非作。安用出新意。曠昔傳寫本荒謬。不勝計。爾時或更正鄙見。詳新記。校勘記中劄記凡二十卷。固知寶鄉書。君我有同志。而惜君來遲。不得更成事。君驟見此書。往往以所見商榷文義。而轉於校正刊刻之說者甚畧。以是尙不能付工。劄改古人謂校刊板之訛。須以不知文義者。今始信其說也。紛紛百餘卷。功成難毀棄。烏焉亥豕訛觸目。眞比比更校。斯未能只今尙深祕。一書傳人閒。精確信非易。

六

萬事有定數。人謀非能臧。昔我刻成日。度板家東廂。未

幾遭寇警舉室遷倉黃吾兒獨念此斂之周祠堂

辛酉十月

余先挈眷避入建隩壽兒鴟鴞入我室

壬戌二月三日幸不

載六志板藏周茹香祠中

為薪傷賊踞民房見刻板明年罹劫火

癸亥十一月事又脫回

祝殃劫灰十萬卷巍然留靈光鄉賢實呵護同我恭梓

桑我每念茲役黯焉心感傷蹉跎吾既悔願以桑榆償

寶慶未刻圖亦得假儲藏

六志如乾道大德皆有圖而皆已佚寶慶志之圖余得影

宋佳本是時以吾郡中無刻圖手召之杭州未至今此

本已焚如矣然郡中蓄此志者尚多有志必有圖不難

補刻之但少嘉定失丈尺誰能補其亡

嘉定日月湖丈尺圖載之高隱

學敬止錄橐本中余以斯世所寡有且亦宋時物擬附

刻諸寶慶圖後今吾家敬止橐本已為灰燼世所傳鈔

者皆無此圖是事可求備過隙駒匆忙成其可成者脫

簡。曾。何。妨。斯。文。未。墜。地。百。代。有。光。芒。兩。劫。各。無。恙。此。意。焉。可。忘。

七

近志出雍正百年末修飾貲力今有人主之以姻戚

郡中

楊氏擬重修郡志以前事後事師老馬迷途識何況張其事屬陳魚門刺史

曹徒自用違古昔明張東沙尚書嘉靖甯波志國朝曹太守秉仁雍正甯波志六志

皆淵源顧我僅藏壁我欲以斯時與君同整飭鄞西起

老圃謂子開徑延三益既完前人書亦作後來式往日

不可追來日足可惜其成一簣功勛哉交努力以是七

種者永永傳無極庶幾天下士勿笑海邦僻

柳泉先生屬余校宋元四明志卽事奉贈兼示陳詠

橋明府

董浦

百家地卑書厥祖始夷堅郡國有計簿乃在班固前
吾鄉建州號肇自唐開元有宋大觀初圖經始成編
作者迭相繼文藻輝山川到今七百載棗本無一傳
傳鈔付寫官謬種相流沿壺矢并爲樂益稷分爲篇
曹部無正聲誰識宮與軒豈曰有宋存殷禮吾能言

二

吾愛徐孺子萬卷羅高閣連年兵火中猶尋讀書樂
眷懷桑梓鄉文史正穿落旁搜百氏言精究六藝略

連綴改定之一手自刪削述者之謂明其功乃踰作

三

南里不失真東沙已殊轍下逮聞曹書涇渭更無別
徒侈新義陳罔顧舊文軼閒或稗販之古人意愈失
豈真蘭臺經行賄改以漆三豕或渡河誰識己亥日
惟君發舊藏論古有真訣博收天祿書一一證吾說
因博以致精河閒事求寶幸此六帙存金甌已無缺

四

校書如揀金披沙每見寶一覽謂了然何由測微杪
於時陳太邱衣著遂初早郵筒日往還相與證幽討

此君故善疑因疑乃生巧每於一綫中時闢康莊道
文懿能補戈荆公戒撲棗空山有落葉時時爲君掃
不見通鑑成兩屋滿堆藁

五

賤子少食貧託鉢走四方著書杳無期辜負日月長
惟君知我心招我登君堂寸寸襪綫才奚補天孫裳
望洋起長歎目眩金碧光敢以蠡測深與海較斗量
咸淳志臨安景定志建康未若吾鄉書彙入

天府藏行當十匹酬羅列凡與箱傳鈔八千紙紙價貴
洛陽

烟嶼樓詩集卷九

男隆壽平甫校字

烟嶼樓詩集卷十

鄞 徐時棟柳泉稿

慈谿葉鴻年吉甫刊

七古一

童曰舍人七言古脫口而出搖筆卽來然其豪放處正如深山飛瀑一氣奔注而就中卻有無數盤旋曲折不令人一覽而盡斯爲奇觀

題周抑齋先生 良劬 風雨破蕉圖

一枝兩枝折而舞墨痕如泣筆如怒無端寫得破蕉圖蒼茫黯淡皆風雨先生自題云無端寫得風雨破蕉圖先生生少多牢愁長揖靈均拜莊周其於人也爲善哭故其於氣宜乎秋

短幅縱橫裁一尺。圖畫猶新人已昔。忽驚颯颯風雨來。月照蟲聲滿牆壁。

負米行爲邵鏡湖秀才

景泉作

東鄰浙米西鄰炊。飯香到鼻兒啼飢。昨日負米去倉卒。今日望門來遲疑。年未三十髮半白。意氣頽喪面黧黑。雙親衰老私坐愁。男兒欲行行不得。黃金百萬何時來。誰能拔爾抑塞磊落之奇才。不如從牧豬奴試一擲。李白杜甫欺人之語良可哀。

王意山曰讀此詩令天下寒士同聲一哭

畫馬行

有序

全太史作其先侍御畫馬記其略曰侍御諱美闕小字駒郎非堂先生之子陸大行文虎之壻畫馬入神品始寶藍本松雪國難後諱之或不知而及之則此曰爾惡知吾馬吾所師者宋遺民龔聖予父子之馬也其實聖予之馬世無傳者侍御特重其人而已嗣是遂祕不示人或盛稱聖予爲人以及其畫輒欣然出得意之筆以贈而箱篋所貯有出松雪者悉焚之以從戎江上累授侍御監軍其後奔走山海思與諸遺民起事康熙壬寅被逮明年卒省獄中所著百尺西樓集無存者而所畫亦希矣夫人陸氏最孝亦工

繪事每侍御畫馬夫人從旁爲布景太史之記如此
道光丙申余至張氏忽於壁頭見侍御畫馬爲之驚
歎馬凡五匹或立或卧或奔或逐皆雄俊有奇氣而
丹楓數樹特姿媚娟秀蓋其夫人筆也於是距侍御
之卒一百七十有餘年矣紙本完好光彩如新忠臣
義士之遺蹟殆有物焉呵護之者願主人不甚愛惜
余欲以所藏松雪馬易之而又不可爲作畫馬行題
其端使知寶貴焉

駒郎畫馬推專門能以慧心師古人晉唐神品不易得
淵源惟有趙王孫王孫晚節何靡靡而其畫馬良足喜

豈知遭際忽相同。於是其馬深可鄙。崎嶇山海亦勞瘁。
聊將畫馬抒坎軻。何人尙稱松雪翁。乃以故吾例今我。
謂我此畫堪亂真。旁觀嘖嘖駒郎噴。曰爾惡知吾畫馬。
我所師者龔遺民。遺民不肯畫。鴛鴦天曹下。取天馬來。
人閒塵濁那得有。先生之言欺人哉。顧其畫馬雖不傳。
其畫馬法吾能言。駒郎隔世稱私淑。想其畫法當復然。
酒酣耳熱呼兒急。命兒撲地如馬立。鋪紙卻作唐馬圖。
潑墨淋漓兒背溼。狂風驟雨筆不已。擺脫一切空摹擬。
須臾寫出雄俊姿。擲筆大笑兒亦起。駒郎有兒非凡數。
先生子名宗然。亦有高節嘗搜刻。聞中況有同心助。吮
其外祖環堵集。亦見太史記中。

筆看郎畫馬成胭脂來畫馬邊樹青枝紅葉媚不俗此
樹何如管姬竹樹邊一馬獨嘶風兩馬寢立兩奔逐吁
嗟乎銅馬不出泥馬徂老驥伏櫪哀龍駒彼戀棧豆甘
局促尙圖神駿胡爲乎遺民畫馬旣絕塵駒郎畫亦希
世珍勸君慎祕此畫勿爲六丁取王孫畫馬筆下空有
神

舊評馮柳東師曰畫馬行至於少陵無能繼響者此
詩獨闢町畦生氣迥出豪邁颯爽真能拔趙幟而樹
漢幟者矣又曰全篇以聖予松雪爲陪客而以龔
陵陪全宗然是篇中小賓主至以管夫人襯陸夫人
尤覺意思想不到
令人喚絕也

陳曰杜老畫馬行爲千古絕唱此詩
之外正在離形得似不掩作者本色

董曰集中每用則有然後於是等字以文法爲詩法可驚可愛又曰如馬立翻用左氏奇警絕倫童曰風格逼真老杜必傳之作

庭樹篇贈蔣生椿

蔣家庭樹秋風高天香滿湖雲外飄淡金作色玉作屑
八月氣暖花更豪生也折枝翩翩來謂我此花先人栽
佳話不敵寶氏樹手澤何異王公槐我聞斯言下座走
對花長揖三拱手前輩風流猶儼然世德馨香一何久
樹前林立兒與孫一花一粟皆清芬珍重秋風勿相剪
故家喬木今幾存月湖大姓舊推陸庭前花卉古香馥
蒼柯老幹摧爲薪桑田何處問華屋吾家所居在明季爲陸給諫懋龍故

宅庭前舊有木犀一樹枝蟠高結團團如井縣志所稱
木犀井者今屋已屢改此樹久不可問矣老幹蒼柯百
尺懸古香馥馥難施君家相去不盈咫昔花有偶今僅
觀皆汪令源澤詩也此書香郁烈將百年太息而今亦衰矣生平讀書本無
種況食先德賈餘勇豐背養嗣盍勉旃贈詩意比贈花
重異時直上干雲霄杏花簪子楊柳袍天香滿湖月中
落蔣家庭樹秋風高

陳日中開得陸氏一襪波瀾絕妙倍覺感慨無限特
自年者出之爲本地風光在他人便無謂此又移步
換形不可
以常論也

壽從叔荇湖翁六十

長庚朗朗天無邊照翁顏色如神仙研池南出開壽燕

我來爲翁歌新篇翁生戊戌我甲戌我後翁生三十有

六年

翁生乾隆戊戌十一月二十五日翁我之生同月

日翁言此事當有緣今翁六十神清奇視我但多額下
髭獻翁綠玉杖酌翁黃金罍翁卻我杖飲我卮願翁年
年醉倒無窮時後廿六年我亦六十翁期頤大小二老
滿頭白髮長追隨此時翁興復不淺會當一笑報我今
日之新詩

烏曰大小二老四字奇

又曰不落凡想

不入凡格作壽詩最無趣味此爲絕調

童曰妙在

達得出

歸自粵西歌爲子相作

邊風蕭蕭水不波如花搖女拍手齊唱歌歌聲嘈雜羌
音多錢唐客子柰愁何萬里作孤客對此無顏色百里
斷行人日落秋原白吁嗟天涯厯厯多樂郊何爲走馬
來此使我朱顏彫柳州城外慘陰雲長劒八尺哭劉蕡
昌平去茲遠嗟爾來何因迴風撲面馬蹄立拔劒四顧
空無人側身東北望長安長安窈窕雲之端芙蓉老死
玉京遠欲歸不歸心煩冤四明山高高如天中有二百
八十之峯巒劉綱夫婦只今尚在斯昔我入山采藥髣
髴親見之客子歸來路漫漫與我把臂入青山仙之人
兮欲言不肯言怨子衣袖多蠻烟憐子遠來意良苦但

許洞天石扉。開三年。天上日月何悠悠。人閒局促春復秋。子規夜啼芳草歇。寶刀出匣男兒愁。我欲竟此曲。此曲多煩憂。相思江頭夜。夜水爲君擊碎珊瑚鉤。

烏曰有似仙李者有似鬼李者奇作也

陳曰全詩音節悲涼神情愴悅令人不可逼視我尤不忍卒讀

王曰朗誦一過令人名利之念俱消

劉曰昔人謂李杜多縹緲恍惚語其原蓋出於騷讀吾師此篇及遊山諸作知淵源遠矣

以酒贈天台傅欽生濂先之以詩

有客下馬入我室。豪氣磊落固無匹。下筆颯颯天風生。題詩作畫皆奇絕。去年聞君客明州。驚人之句多唱酬。

我欲一識奇男子。涉江遠訪無蹇修。未幾玄磨汗名山。
聞君負篋已南還。干戈滿路塵埃起。將軍帶甲守雄關。
今年海邦尚蠻貊。而君飄然仍作客。不圖著屐來登樓。
使我得見君顏色。臣家里人楊意死相如。躑躅臨邛市。
袖中寧滅萬言書。背人夜讀淚不止。眼前委瑱齷齪皆
庸奴。不如短衣長揖高陽徒。酒酣自作慷慨歌。鐵如意。
擊金唾壺。此間雖樂非故鄉。我亦無才不得狂。贈君美
酒勸君飲。安用拂塞潦倒弄名場。

陳曰。眼高四
海。空無人。

餞春行

落花滿天香滿宅。良辰美景難再得。石家餞春作高會。
千金買春畱一刻。門前車馬連翩來。白玉爲蓋金爲勒。
相呼結客少年場。姍姍裙屐風流伯。一樹梅花一麗人。
翠被鄂君同在側。笙歌繚繞滿屋梁。纏頭歷亂拋金帛。
西山銜日柰樂何。卜晝不歡繼之夕。雄跳撲朔雌眼迷。
長夜未央樂安極。不知何來嘯強兒。攘臂上堂相詰責。
堂下屬和忽千聲。酒坐敗興齊默默。柔枝無力嬌可憐。
霎時捲地罡風黑。明星亂落燈琉璃。迅雷轟擊杯琥珀。
君不見去年報賽行故事。一物所費累千百。女兒多少
豔如花。置之高閣鬪顏色。樂極則悲理固然。無端海國

遭蠻虜徵師集餉已經年。至今尙未休。兵革嬉春開宴。
忽喧闐地遠。琴堂纔咫尺。絕纓斷袖歡無遮。伊其謔笑。
聲啞啞。奔走告語徧國中。公乎兩耳如豆塞。何況翩翩。
佳公子。金盤玉漿同作客。明朝悍吏狂叫囂。東鄰西里。
徧搜覓。大索夜來罵座人。紛紛逃竄無蹤跡。夜聞一夫。
自呼名。名捕到官墻下。擲笑爾。逢車空流涎。雖復摧辱。
亦何惜。所嗟斯人君子言。昨暮倉遽太無策。謬謬法語。
心恥之。乃謂餒慾成失德。我駟不及君。舌端坐聽此輩。
煩言。噴習俗。輾轉將安終。賦詩長歎心惻惻。

劉曰詞致峭麗語脈新奇在集中似又另爲一格
又曰相其題似當爲風花雪月之篇詞其詞則實關

世道人心之作不特非卽景游
覽亦并不徒紀事感慨而已

遊響巖

上有巉巖峭削壁立千仞之高山下有飛騰歎薄滾滾
直下之奔川眼前突兀所見更奇絕則有石屋幽深縹
緲山中開隔江望之窅無路我欲往遊渡江去乃知山
腰一徑通此屋長數百尺而廣僅容足側身睨視何迢
迢蒼茫四顧心搖搖聞昔遊人到此不敢入而我探幽
窮勝姑自豪兩手捫壁如蟹行兩足縮縮如循繩目亦
不得看山色耳亦不復聞江聲豁然開朗見洞府苔痕
斑駁鮮花舞璚樓玉宇誰安排其中磐石大如鼓天風

雲外吹飛出笑聲。去料得下界人不聞。上方語置身天
半。一切低黃埃。此必有神人。仙子常徘徊。凌空飛鳥良
易易。不知洞外之徑更復何年開。神山可望不可卽。力
鑿鳥道通天台前。人好奇過我。乃如此故爲偏仄。似恐
俗子紛紛來。手題洞門識歲月。蟹行而入蟹行出。夜來
夢寐驚墜空。一落千丈恍惚身。江中茲遊雖云樂。念之
意常惡。固知世閒勝境多。復多出入道路險。側將柰何
陳曰。屈曲天矯筆如游龍。若使青蓮再世亦當把臂
入林。昔讀吾鄉樸社長游山諸作。歎爲奇恣。對此如
培塿矣。又曰。讀舍人游杭集中飛來峯詩。欽奇磊
落如對怪石。供復讀此詩。摹寫山水奇險而出語卻
極自然。覺後來
居上進境不少

劉曰鳳章按吾鄉王右仲亦有游響巖歌尤不足擬矣

陸曰庚申秋廷黻曾與同人游此山今讀先生此詩勝境奇觀如在目前四明二百八十峯安得先生處處題爲名山增色乎

避地它山雪後同朱絳山鄭惺齋星懷周仲雲

宏縉四弟子舟游雲石巖

我所思兮桃花源欲往從之行路艱明山自來稱福地
只今何處有洞天霏雪經旬閉門臥廡下局促憂心煎
乍得開朗動游事出門一笑如逃矧諸君愛我導先路
足踏殘雪清不寒彎環曲折入雲石耳熟此勝今果然
所見巖穴或斤斧此獨高廠無雕鐫廣廈萬閒厯劫盡

終古石屋畱人閒。洞門皎潔密冰柱。水晶簾子玉闌干。
清空徧室生虛白。照徹洞中心肝。安得手攜道書讀。
琅琅驚起蛟龍眠。下有飛塵一點不得到。那知世外有
烽烟。我家月湖古烟嶼。它山作壻。今十年扁舟一葉。每
來去看山眼。福慳無緣。擊鼓動地海氛惡。倉皇奔走來
江邊。翻因亂離得游戲。浩歌長嘯登其巔。聞道茲山昔
洞府。佛跡依稀猶眼前。山前有佛跡寺。名勝已被凡夫知。
芒屨亂踏山欲穿。仙人棄去如敝屣。巖下流水空涓涓。
不知飛鳥更何地。必有勝境無人傳。客中信美非吾土。
先牘無恙兵塵噴。赤松黃石多詭祕。人生安樂皆神仙。

蓬萊淺水縱不遠我亦不願長流連請君爲我誇勝游
我知此意難復言

陳曰翻因亂離得游戲塵俗往往如此不知此何以故眼前語一經道破足令頑石點頭
陸曰屑玉雕瓊刻劃盡致寫雪後山景如畫又曰
人生安樂皆神仙見到語翻因亂離得游戲做到語
語語入情可
以喚醒塵夢
童曰前篇以奇峭勝此篇以
幽遠勝隨境換筆各極其妙

陳母洪太宜人七十壽詩

天樂下奏鳴鸞鳳綵衣爭試春風香捧花獻華綵衣舞
七十年中母勞苦整衣朝拜君舅姑點燈夜課兒詩書
相夫種德徧存問枯魚歲假西江潤頻宮黹昧新卜築

王師敗行輸囊橐昔爲令妻今壽母慈竹靈萱日長久
五色

丹詔天上來兒孫繞膝多奇才木犀花黃杏花紫報答
春暉自今始

陳託巖運亨與龔岳庵海厲駭谷志張春水瀟

同客滬上作海天四客圖索題

蒼烟點點海山碧相逢一笑頭半白上有浮雲下高樓
寂寞青衫同作客披圖識面生歎吁明月無恙長松孤
時駭谷已卒琴聲詩聲定淒絕問訊三客今何如

爲張丈小鼎芳題臨川李芸甫水部秉文畫梅

怒時畫竹喜畫蘭畫梅意氣清而閒我不善畫知畫法
古來畫梅傳人難臨川公子今豪傑畫梅畫花兼畫骨
橫枝屈曲花亂生爲花寫照信奇崛張翁得此心喜歡
使我作語題畫端短鐙長劒夜過午聞否壁上香風寒
陳翁秉炎席上賞同心芙蓉集古人詠荷詩賦

贈

上有竝頭蓮下有竝根藕蓮影向根生當軒對尊酒斑
簾十二卷輕碧蒲茸承露有佳色快哉誰爲乞天公自
應祥瑞生南國飄飄香袖空中舉雙頭竝作幽修語高
堂視此青琉璃明年還約看花侶

同陳餘仙

福熙

宋仲穆兩明經入壽昌寺觀浮

槎及李次公畫十八羅漢像

道光丙午五月五日晡兩客來相過堆盤角黍嬾不食

湖干攜手行逶迤壽昌寺中紛靈蹟東隱古柏此枝柯

在寺西偏張樗寮書東隱二字周鄧山爲之賦

聞道二物更神妙逞閒乘興勿

爽蹉有槎卓立大合抱奇雲一朵生烟波礪礪削削凹

以凸累珠百萬如旋螺隨手指點肖一物鬼工舌縮交

手搓貫月犯斗或伯仲耳孫雲樹松養和拂几復展應

眞像東綃幅幅輕藍接低眉怒目佛變相眼見滄海驅

鯨搥狀貌尊嚴衫履古梵書滿簡疑籀蝌當其揮灑絕

凡境迴與俗筆殊。曰窠僧云此畫卽至寶猶勝。寫經換
籠鵞。畫師無數稱好手。一見自憐才。輒刺殿後之槎。亦
突兀。但恨不知幾義娥。吁嗟豐干漫饒舌。往事爲爾重
縷觀。天啟辛酉大風雨。蟄龍飛出巖之阿。雷轟電掣石
崩坼。澗溪溝澮成江河。中流熒熒異光發。乃有奇根高
差哉。王翁賞識意珍重。敬持慈筏俱彌陀。羅漢畫本較
晚出。李麟所作傳非謬。爲憶武林長明院。賢休墨寶藏。
維摩鄉人謝氏令嘉定乞麟摹仿。裁緡綱婁生子柔題。
畫端十八贊語本老坡謝氏作。宰崇禎初頗與文士相
切磋。承平無事狃故習。公餘燕飲時吟哦。四先生集付

剗剗一席宜分風雅科。謝氏刻嘉定四先生集婁堅其一也天柱忽傾明

社屋彼哉晚節何險頗思借佛力懺罪悔俱養寄園安

樂窩。謝氏自作寄園於延慶寺側而供此像既失復得入此寺永與靈槎

降天魔手書本末識歲月什襲篋筭靈異多惜哉佛頭

乃著糞何不剗去吾非苛此時浮槎雜泥滓左廂棄置

誰顧他。劉法寬詩六十康熙甲子汪令君眼驚光怪三

摩挲滌塵獻作大士座空王何須獅象馱賦詩作記一

時感物得大壽人消磨二物傳今二百年日月逝矣如

奔梭往者滄桑曾變幻洛陽荆棘生銅駝近來福地爲

俘邑天河纔洗腥干戈兩遭小劫各無恙奇物應是神

護呵。卻笑吾儕敬桑梓。佛緣未及詢迦那。窮口文獻迷
五色。尋勝當爲遊人訶。縱非商彝與周筋。亦備掌故資
網羅。歡喜贊歎飽眼福。三十年來吾蹉跎。歸來卻就廣
平飲。醉中勸我試作歌。良朋迢遞憶前諾。爾時結蒲今
結荷。詩成聊用記佳話。緘以魚書達江沱。時仲穆爲奉
川書院山長
西鄰且問陳無已。閉門索句復如何。定海來寓湖上
餘仙以亂後自
陳曰洋洋大篇夾敘夾議。直以龍門史筆爲韻語。其
中波瀾層折。委曲分明。斯爲紀律之師。不同野戰
童曰。屈曲盤拏。精神貫注。極似龍門作合。
傳手筆至於狀物。具有神工。猶其餘事。
劉曰。章法跌宕。縱橫如神。
龍在霄變化不可方物。
董曰。渾浩流轉。蘇
長公得意之作也。

郭曰雄深雅
健神似長水

胡小文 枚 招賞十三出蕙花

胡家小藝月湖渚。翠羽羣集蕙花吐。一花窈窕十三出。
今無後來前無古。美人新著芙蓉裳。珮環瑣瑣立南浦。
鹿亭山長趙王孫。不遇傾城空作譜。主人置酒紅霞房。
時日曖曖其延佇。飛雲入座風吹衣。銜杯賞花兼賞雨。

烟嶼樓詩集卷十

男隆壽平甫校字